

Вольбы
до Европейского парламента
на території Словацькой републіки

Інформації про воліча

I

Датум і час реалізації волеб

Вольбы до Европейского парламента на території Словацькой републіки будуть
в суботу 8. 6. 2024 од 7:00 до 22:00 години.

II

Право волити

Право волити до до Европейского парламента на території Словацькой републіки має обчан Словацькой републіки, котрый має місто стабільного биваня на території Словацькой републіки а найпізніше в день волеб досяг вік 18 років, і обчан іншого членьского штату Европской унії, котрый має місто стабільного биваня на території Словацькой републіки і найпізніше в день волеб досяг вік 18 років.

Право волити до Европейского парламента на території Словацькой републіки має ай обчан Словацькой републіки, котрый не має місто стабільного биваня на території Словацькой републіки ани на території іншого членьского штату Европской унії, найпізніше в день волеб досяг вік 18 років а в день волеб ся стримує на території Словацькой републіки.

Волити до Европейского парламента в тых істых вольбах мож лем в єднім членьскім штаті Европской унії.

Право волити є в конфлікті зо законным окліщінєм особной слободы на основі охрани верейного здравя, кедь особітний закон в часі пандемії не встановить інакше.

III

Право быти воленым

За посланця Европейского парламента може быти зволений

- обчан Словацькой републіки, котрый найпізніше в день волеб досяг вік 21 років і має місто стабільного биваня на території Словацькой републіки,
- обчан іншого членьского штату Европской унії, котрый найпізніше в день волеб досяг вік 21 років, не був збавений права быти воленым у членьскім штаті Европской унії, котрого є штатным обчаном, і має місто стабільного биваня на території Словацькой републіки.

Кандідовати за посланця Европейского парламента в тых істых вольбах мож лем в єднім членьскім штаті Европской унії.

Право быти воленым є в конфлікті зо:

- заарештованєм,
- правоплатным одсуджінєм за напланований кримінальний чін, поky одсуджіня не было заглажене,
- однятєм способности робити правны діла.

IV

Запис обчана іншого членського штату Европской унії до списку волічів

Обчана іншого членського штату Европской унії, котрый має місто стабільного бivanja на території Словацькой републіки, записує до списку волічів село, в котрім обчан іншого членського штату Европской унії має місто стабільного бivanja, на основі ёго жадости і выголошіня.

Жадость ведно з выголошінём мусить быти предложена найпізніше 40 днів перед днём волеб (найпізніше до 29. 4. 2024), інакше право быти записаным до списку волічів зникать.

Воліч, котрый у звязи з вольбами до Европского парламенту пожадать записати го до списку волічів в іншій членській штаті Европской унії а сучасно пожадать записати го до списку волічів в Словацькій репуліці, допустить ся переступліня, за котре буде покутований сумов 100 евро.

Далшы інформації о вольбах до Европского парламенту суть опублікованы на вебсайті
<http://www.minv.sk/?volby-ep>